

失乃易衣而出亟遣人召諸王及喻禁衛長皮室等同力討賊時壽安王歸帳屋質遣弟冲迎之王至尚猶豫屋質曰大王嗣聖子賊若得之必不容群臣將誰事社稷將誰賴萬一落賊手悔將何及王始悟諸將聞屋質出相繼而至遲明整兵出賊不意圍之遂誅察剽亂既平穆宗即位謂屋質曰朕之性命實出卿手命知國事以逆黨財產盡賜之屋質固辭應曆五年爲北院大王總山西事保寧初宋圍太原以屋質率兵往援至白馬嶺遺勁卒夜出間道疾馳駐太原西鳴鼓舉火宋兵以爲大軍至懼而宵遁以功加于越四年漢劉繼元遣使來貢致幣於屋質屋質以

聞帝命受之是年五月薨年五十七帝痛悼輟朝三日後道宗詔上京立祠祭享樹碑以紀其功云

耶律吼字曷魯只院部夷離堇蒲古只之後端慤好施不事生產太宗特加倚任會同六年爲南院大王位事清簡人不敢以年少易之時晉主石重貴表不稱臣辭多踞慢吼言晉罪不可不伐及帝親征以所部兵從旣入汴諸將皆取內帑珍異吼獨取馬鎧帝嘉之及帝崩于藥城無遺詔軍中憂懼不知所爲吼詣北院大王耶律注議曰天位不可一日曠若請于太后則必屬李胡李胡暴戾殘忍詎能子民必欲厭人望則當立永康王注然之會耶律

安搏來意與吼合遂定議立永康王是爲世宗頃之以功
加採訪使賜以寶貨吼辭曰臣位已高敢復求富臣從弟
的祿諸子坐事籍沒陛下哀而出之則臣受賜多矣上曰
吼舍重賞以族人爲請其賢遠甚許之仍賜官戶五十時
有取當世名流作七賢傳者吼與其一天祿三年卒年三
十九子何魯不

何魯不字斜寧嘗與耶律屋質等察割亂穆宗以其父吼
首議立世宗故不顯用晚年爲本族敬史及景宗即位以
平察割功授昭德軍節度使爲北院大王時黃龍府軍將
燕頗殺守臣以叛何魯不討之破於鴨綠江上不親追擊

以至失賊杖之乾亨間卒

耶律安搏曾祖巖木玄祖之長子祖楚不魯爲本部夷離
董父迭里幼多疾時太祖爲提馬狝沙里常加撫育神冊
六年爲惕隱從太祖將龍軍討阻卜党項有功天贊三年
爲南院夷離董征渤海攻忽汗城俘斬甚衆太祖崩溥欽
皇后稱制欲以大元帥嗣位迭里建言帝位宜先嫡長今
東丹王赴朝當立由是忤旨以黨附東丹王詔下獄訊鞫
加以炮烙不伏殺之籍其家安搏自幼若成人居父喪哀
毀過禮見者傷之太宗屢加慰諭嘗曰此兒必爲今器既
長寡見笑重然諾動遵繩矩事母至孝以父死非罪未葬

不預宴樂世宗在藩邸尤加憐恤安搏密自結納太宗伐
晉還至樂城崩諸將欲立世宗以李胡及壽安王在朝猶
豫未決時安搏直宿衛世宗密召問計安搏曰大王聰安
寬恕人皇王之嫡長先帝雖有壽安天下屬意多在大王
今若不斷後悔無及會有自京師來者安搏詐以李胡死
傳報軍中皆以為信於是安搏詣北南二大王計之北院
大王泣聞而據起曰吾二人方議此事先帝嘗欲以永康
王為儲貳今日之事有我輩在孰敢不從但恐不自太后
而立為國家啟釁安搏對曰大王既知先帝欲以永康王
為儲副况永康王賢明人心樂附今天下甫定稍緩大

事去矣若曰太后必立李胡且李胡殘暴行路共知果嗣
位如社稷河南院大王吼曰此言是也吾計決矣乃敕輩
召諸將奉世宗即位于太宗柩前帝立以安搏為腹心總
知宿衛是歲約和于潢河橫渡太后問安搏曰吾與汝有
何隙安搏以父死為對太后默然及置北院樞密使上命
安搏為之賜奴婢百口寵任無比事皆取決焉然性太寬
事循苟簡豪猾縱恣不能制天祿末察割兵犯御幄又不
能討由是中外短之穆宗即位以立世宗之故不復委用
應曆三年或誣安搏與齊王廢撤葛謀亂繫獄死姪撒給
左皮室詳穩

耶律注字敵輦隋國王釋魯孫南院夷離董綰思子省
器識人以公輔期之太祖時雖未官常任以事太宗即位
為惕隱天顯末帝援河東注為先鋒敗張敬達軍於太原
北會同中遷址院大王及伐晉復為先鋒與梁漢璋戰於
瀛州敗之太宗崩于欒城南方州郡多叛主馬困乏軍中
不知所為注與耶律吼定策立世宗乃令諸將曰大行上
賓神器無主永康王人皇王之嫡長天人所屬當立有不
從者以軍法從事諸將皆曰諾世宗即位賜宮戶五十拜
于越卒年五十四

耶律頽立字團靈蓋義父楚國王之後父末撥嘗為夷離董
頽昱性端直會同中領九石烈部政濟寬猛世宗即位為
惕隱天祿三年兼政事令封漆水郡王及穆宗立以匡贊
功嘗許以本部大王後將葬世宗頽昱懇言於帝曰臣蒙
先帝厚恩未能報幸及大葬臣請陪位帝由是不悅寢其
議薨

耶律捷烈字涅魯袞六院部郎君裏古直之後沈厚多智
有任重才年四十未仕會同間為邊部令穩應麻初陞南
院大王均賦役勸耕稼部人化之戶口豐殖時周人侵漢以
捷烈都統西南道軍援之周已下太原數城漢人不敢戰
及聞捷烈兵至周主遣郭從義尚鈞等率精騎拒於忻口

捷烈擊敗之獲其將史彥超周軍遁歸復所陷城邑漢主
詣捷烈謝及漢主殂宋師來伐上命捷烈為行軍都統發
諸道兵救之既出鴈門宋謀知而退保寧元年加兼政事
令致政乾亨初召之上見鬚髮皓然精力猶健問以政事
厚禮之以疾薨年七十九捷烈凡用兵賞罰信明得士卒
心河東單弱不為周宋所併者捷烈有力焉在治所不修
邊幅百姓無稱年穀屢稔時耶律屋質居北院捷烈居南
院俱有政迹朝議以為富民大王云

贊曰立嗣以嫡禮也太宗崩非安搏吼注謀而克斷策立
世宗非屋質直而能諫杜太后之私折李胡之暴以成橫
渡之約則亂將誰定四臣者庶幾春秋首止之功哉

列傳第七

列傳第八

遼史七十八

開府儀同三司上柱國錄軍國事書右丞相監修國史領經筵事都總裁臣脫脫奉

勅修

耶律夷臘葛字蘇散本宮分人檢校太師合魯之子應曆
初以父任入侍數歲始為殿前都點檢時上新即位疑諸
王有異志引夷臘葛為布衣交一切機密事必與之謀遷
寄班都知賜宮戶時上酖酒數以細故殺人有監雉者因
傷雉而亡獲之欲誅夷臘葛諫曰是罪不應死帝竟殺之
以屍付夷臘葛曰收汝故人夷臘葛終不為止復有監鹿
詳穩亡一鹿下獄當死夷臘葛又諫曰人命至重豈可為

列傳第八

遼史七十八

開府儀同三司柱國錄軍國事書右丞相監修國史領經筵事都總裁臣脫脫奉

勅修

耶律夷臘葛字蘇散本宮分人檢校太師合魯之子應曆
初以父任入侍數歲始為殿前都點檢時上新即位疑諸
王有異志引夷臘葛為布衣交一切機密事必與之謀遷
寄班都知賜宮戶時上酖酒數以細故殺人有監雉者因
傷雉而亡獲之欲誅夷臘葛諫曰是罪不應死帝竟殺之
以屍付夷臘葛曰收汝故人夷臘葛終不為止復有監鹿
詳穩亡一鹿下獄當死夷臘葛又諫曰人命至重豈可為

一獸殺之良久得免遼法廢歧角者惟天子得射會秋獵善爲鹿鳴者呼一鹿至命夷臘葛射應弦而踣上大悅賜金銀各百兩名馬百疋及黑山東抹真之地後穆宗被弒坐守衛不嚴被誅

蕭海瓌字寅的哂其先遙輦氏時爲本部夷离董父塔列天顯間爲本部令穩海瓌貌魁偉膂力過人天祿間娶明王安端女藹因翁主應曆初察割亂藹因連坐繼娶嘲瑰翁主上以近戚嘉其勤篤命預北府宰相選頃之總知軍國事時諸王多坐反逆海瓌爲人廉謹達政體每被命案獄多得其情人無冤者繇是知名漢主劉承鈞每遣使入

貢必別致幣物詔許受之年五十卒帝愍悼輟朝三日

蕭護思字延寧世爲北院吏累遷御史中丞總典群牧部

籍應曆初遷左客省使未幾拜御史大夫時諸王多坐事

繫獄上以護思有才幹詔窮治稱旨改北院樞密使仍命

世預宰相選護思辭曰臣子孫賢否未知得一客省使足

矣從之上晚歲酗酒用刑多濫護思居要地躡躡自保未

嘗一言匡救議者以是少之年五十七卒

蕭思溫小字寅古宰相敵魯之族弟忽没里之子通書史

太宗時爲奚禿里太尉尚燕國公主爲群牧都材父思溫

在軍中握齣修邊幅僚佐皆言非將帥才尋爲南京留守

初周人攻揚州上遣思溫躡其後憚暑不敢進拔緣邊數城而還後周師來侵圍馮母鎮勢甚張思溫請益兵帝報曰敵來則與統軍司併兵拒之敵去則務農作勿勞士馬會敵入京城我軍退渡漳沱而屯思溫勒兵徐行周軍數日不動思溫與諸將議曰敵衆而銳戰不利則有後患不如頓兵以老其師躡而擊之可以必勝諸將從之遂與統軍司兵會飾他說請濟師周人引退思溫亦還已而周主復北侵與其將傅元卿李崇進等分道並進圍瀛州陷益津瓦橋淤口三關垂迫固安思溫不知計所出但云車駕旦夕至麾下士奮躍請戰不從已而陷易瀛莫等州京齊

人皆震駭往往遁入西山思溫以邊防失利恐朝廷罪已表請親征會周主榮以病歸思溫退至益津僞言不知所往遇步卒二千餘人來拒敗之是年聞周喪燕民始安乃班師時穆宗酒酒嗜殺思溫以密戚預政無所匡輔士論不與十九年春蒐上射熊而中思溫與夷离畢牙里斯等進酒上壽帝醉還宮是夜為庖人斯奴古等所弑思溫與南院樞密使高勳飛龍使女里等立景宗保寧初為北院樞密使兼北府宰相仍命世預其選上冊思溫女為后加尚書令封魏王從帝獵閭山為賊所害

蕭繼先字揚隱小字留只哥幼穎悟叔思溫命為子睿智

皇后尤愛之乾亨初尚齊國公立拜駙馬都尉統和四年
宋人來侵繼先率邏騎逆境上多所俘獲上嘉之拜北府
宰相自是出師繼先必將本府兵先從拔狼山石壘從破
宋軍應州上南征取通利軍戰稱捷力及親征高麗以繼
先年老留守上京卒年五十八繼先雖處富貴尚儉素所
至以善治稱故將兵攻戰未嘗失利名重戚里

論曰嗚呼人君之過莫大於殺無辜湯之伐桀也數其罪
曰並告無辜於上下神祇武王之伐紂也數其罪曰無辜
籲天堯之伐苗民也呂侯追數其罪曰殺戮無辜亦是言
之夷臘葛之諫廩廩庶幾古君子之風矣雖然善諫者不

諫於已然蓋必先得於心術之微如察脉者先其病而治
之則易爲功穆宗沈湎失德蓋其資富彊之勢以自肆久
矣位詳臣於造次動作之際此諫彼諍提而警之以防其
甚則亦詎至是哉予以知護思思溫處位優重祿取容
真鄙夫矣若海璠之折獄繼先之善治可謂任職臣歟

列傳第八



臺灣國家圖書館, NATIONAL CENTRAL LIBRARY, TAIWAN, R.O.C.

通史俱

列傳第九

遼史七十九

勅修

開府儀同司上柱國錄軍國事書右丞相監修國史領經筵事都總裁臣脫脫奉

室昉字夢奇南京人幼謹厚篤學不出外戶者二十年雖
里人莫職其精如此會同初登進士第為盧龍巡捕官太
宗入汴受冊禮詔昉知制詔總禮儀事天祿中為南京留
守判官應曆間累遷翰林學士出入禁闥十餘年保寧間
兼政事舍人數延問古今治亂得失奏對稱旨上多昉有
理劇才改南京副留守決訟平允人皆便之遷工部尚書
尋改樞密副使參知政事頃之拜樞密使兼北府宰相加

同政事門下平章事乾亨初監修國史統和元年告老不
許進尚書無逸篇以諫太后聞而嘉獎二年秋詔修諸嶺
路昉發民夫二十萬一日畢功是時昉與韓德讓耶律斜
軫相友善同心輔政整頓蠹弊知無不言務在息民薄賦
以故法度修明朝無異議八年復請致政詔入朝免拜賜
几杖太后遣閣門使李從訓持詔勞問令常居南京封鄭
國公初晉國公主建佛寺于南京上許賜額昉奏曰詔書
悉罪無名寺院今以主請賜額不惟違前詔恐此風愈熾
上從之表進所撰實錄二十卷手詔褒之加政事令賜帛
六百匹九年薦韓德讓自代不從上以昉年老若寒賜詔

皮衾褥許乘輦入朝病劇遣翰林學士張幹執第授中京
留守加尚父卒年七十五上嗟悼輟朝一日贈尚書令遺
言戒厚葬恐人譽過情自志其墓

耶律賢適字阿古真于越曾不古之子嗜學有大志滑稽
玩世人莫之知惟于越屋簷器之嘗謂人曰是人當國天
下幸甚應曆中朝臣多以言獲譴賢適樂於靖退游獵自
娛與親朋言不及時事會討烏古還擢右皮室詳穩景宗
在藩邸常與韓匡嗣女里等游言或刺譏賢適勸以宜早
踈絕由是穆宗終不見疑賢適之力也景宗立以功加檢
校太保尋遷授寧江軍節度使賜推忠協力功臣時帝初

通身傳九
踐阼多疑諸王或萌非望陰以賢適為腸心加特進同中書門下平章事保寧二年秋拜北院樞密使兼侍中賜保節功臣三年為西北路兵馬都部署賢適忠介膚敏推誠待人雖燕息不志政務以故百同首職固敢媮墮累年滯獄悉決之大丞相高勳契丹行宮都部署女里席寵放恣及帝姨母保母勢薰灼一時納賂請謁門若賈區賢適患之言于帝不報以病解職又不充令鑄手印行事乾亨初疾篤得請明年封西平郡王薨年五十三子觀音大同軍節度使

女里安涅烈袞逸其氏族補積慶宮人應曆初為習馬不

底以母憂去一日至雅伯山見一巨人惶懼走巨人止之曰勿懼我地祇也葬爾母於斯當速詣闕必貴女里從之累遷馬群侍中時景宗在藩邸以女里出自本宮待遇殊厚女里亦傾心結納及穆宗遇弒女里奔赴景宗是夜集禁兵五百以衛既即位以翼戴功加政事令契丹行宮都部署賞賚甚渥尋加守太尉北漢主劉繼元聞女里為上信任遇其生日必致禮女里素貪同別蕭阿不底亦好賄二人相善人有鹿裘為臬耳子所著者或戲曰若遇女里阿不底必盡取之傳以為笑其貪猥如此保寧末坐私藏甲五百屬有司方索詰女里袖中又得殺樞密使蕭思溫

賊書賜死女里善識馬嘗行郊野見數馬跡指其一曰此
奇駿也以已馬易之果然

郭龍不知何郡人性端介識治體久淹外調景宗即位召
見對稱旨知可任以事拜南院樞密使尋加兼政事令以
帝數游獵襲上書諫曰昔唐高祖好獵蘇世長言不滿十
旬未足爲樂高祖即日罷史稱其美伏念聖祖創業艱難
修德布政宵旰不懈穆宗逞無厭之欲不恤國事天下愁
怨陛下繼統海內翕然望中興之治十餘年間征伐未已
而寇賊未弭年穀雖登而瘡痍未復正宜戒懼修省以懷
永圖側聞恣意遊獵甚於往日萬一有街廩之變搏噬之

虞悔將何及况南有疆敵伺隙而動聞之得無生心乎伏
望陛下節從禽酣飲之樂爲生靈社稷計則有無疆之休
上覽而稱善賜協贊功臣拜武定軍節度使卒

耶律阿沒里字蒲鄰遥輦朝古可汗之四世孫幼聰敏保
寧中爲南院宣徽使統和初皇太后稱制與耶律斜軫參
預國論爲都統以征高麗功遷北院宣徽使加政事令四
年春宋將曹彬米信等侵燕上親征阿沒里爲都監屢破
敵軍十二年行在多盜阿沒里立禁捕法盜始息先是叛
逆之家兄弟不知情者亦連坐阿沒里諫曰夫兄弟雖曰
同胞賦性各異一行逆謀雖不與知輒坐以法是刑及無

罪也自今雖同居兄弟不知情者免連坐太后嘉納著為
令致仕卒阿没里性好聚斂每從征所掠人口聚而建城
請為豐沛就以家奴閻貴為刺史時議鄙之子賢哥左夷
離畢

論曰景宗之世人望中興豈其勤心庶績而然蓋承穆宗
營虛之餘為善易見亦由群臣多賢左右弼諧之力也室
昉進無逸之篇郭夔陳諫獵之疏阿没里請免同氣之坐
所謂仁人之言其利溥哉賢適忠介亦近世之名臣女里
貪猥後人所當取鑑者也

列傳第九

列傳第十

遼史八十

開府儀同三司國錄事大司馬兼右相監修國史領經筵事都總裁臣脫脫奉

勅修

張儉宛平人性端慤不事外飾統和十四年舉進士第一
調雲州幕官故事車駕經行長吏當有所獻聖宗獵雲中
節度使進曰臣境無他產惟幕僚張儉一代之寶願以為
獻先是上夢四人侍側賜食人二口至聞儉名始悟召見
容止朴野訪及世務占奏二十餘事由此顧遇特異踐歷
清華號稱明幹開泰中累遷同知樞密院事太平五年出
為武定軍節度使移鎮大同六年入為南院樞密使帝方

罪也自今雖同居兄弟不知情者免連坐太后嘉納著為
令致仕卒阿没里性好聚斂每從征所掠人口聚而建城
請為豐沛就以家奴閻貴為刺史時議鄙之子賢哥左夷
離畢

論曰景宗之世人望中興豈其勤心庶績而然蓋承穆宗
營虛之餘為善易見亦由群臣多賢左右弼諧之力也室
昉進無逸之篇郭夔陳諫獵之疏阿没里請免同氣之坐
所謂仁人之言其利溥哉賢適忠介亦近世之名臣女里
貪猥後人所當取鑑者也

列傳第九

列傳第十

遼史八十

開府儀同三司國錄事大司馬兼右相監修國史領經筵事都總裁臣脫脫奉

勅修

張儉宛平人性端慤不事外飾統和十四年舉進士第一
調雲州幕官故事車駕經行長吏當有所獻聖宗獵雲中
節度使進曰臣境無他產惟幕僚張儉一代之寶願以為
獻先是上夢四人侍側賜食人二口至聞儉名始悟召見
容止朴野訪及世務占奏二十餘事由此顧遇特異踐歷
清華號稱明幹開泰中累遷同知樞密院事太平五年出
為武定軍節度使移鎮大同六年入為南院樞密使帝方

眷倚參知政事吳叔達與儉不相能帝怒出叔達爲康州刺史拜儉左丞相封韓王帝不豫受遺詔輔立太子是爲興宗賜貞亮弘靖保義守節耆德功臣拜太師中書令加尚父徙王陳重熙五年帝幸禮部貢院及親試進士皆儉發之進見不名賜詩褒美儉衣唯紬帛食不重味月俸有餘賙給親舊方冬奏事便殿帝見衣袍弊惡密令近侍以火夾穿孔記之屢見不易帝問其故儉對曰臣服此袍已三十年時尚奢靡故以此微諷喻之上憐其清貧令恣取內府物儉奉詔持布二端而出益見獎重儉弟五人上欲俱賜進士第固辭有司獲盜八人旣戮之乃獲正賊家人

訖究儉三乞申理上勃然曰卿欲朕償命耶儉曰八家老稚無告少加存恤使得收葬足慰存沒矣乃從之儉在相位二十餘年裨益爲多致政歸第會宋書辭不知禮上將親征幸儉第尚食先往具饌却之進葵羹乾飯帝食之美徐問以策儉極陳利害且曰第遣一使問之何必遠勞車駕上悅而止復即其第賜宴器玩悉與之十二年薨年九十一勅葬宛平縣

邢抱朴應州人刑部郎中簡之子也抱朴性穎悟好學博古保寧初爲政事舍人知制誥累遷翰林學士加禮部侍郎統和四年山西州縣被兵命抱朴鎮撫之民始安加戶

部尚書遷翰林學士承旨與室昉同修實錄決南京滯獄
選優詔褒美十年拜參知政事以樞密使韓德讓薦按察
諸道守令能否而黜陟之大協人望尋以母憂去官詔起
視事表乞終制不從宰相密諭上意乃視事人以孝稱及
耶律休哥留守南京又多滯獄復詔抱朴平決之人無寬
者改南院樞密使卒贈侍中初抱朴與弟抱質受經于母
陳氏皆以儒術顯抱質亦官至侍中時人榮之

馬得臣南京人好學博古善屬文尤長於詩保寧間累遷
政事舍人翰林學士常預朝議以正直稱乾亨初宋師屢
犯邊命爲南京副留守復拜翰林學士承旨聖宗即位皇

太后稱制兼侍讀學士上閱唐高祖太宗玄宗三紀得臣
乃錄其行事可法者進之又扈從伐宋進言降不可殺亡
不可追二三其德者別議詔從之俄兼諫議大夫知宣徽院
事時上擊鞠無度上書諫曰臣竊觀房玄齡杜如晦隋李
書生向不遇太宗安能爲一代名相臣雖不才陛下在東
宮幸列侍從今又得侍聖讀未有裨補聖明陛下嘗問臣
以貞觀開元之事臣請略陳之臣聞唐太宗侍太上皇宴
罷則挽輦至內殿玄宗與兄弟懽飲盡家人禮陛下嗣祖
考之祚躬侍太后可謂至孝臣更望定省之餘睦六親加
愛敬則陛下親親之道比隆二帝矣臣又聞二帝耽玩經

史數引公卿講學至于日昃故當時天下翕然嚮風以隆
文治今陛下游心典籍分解章句臣願研究經理深造而
篤行之二帝之治不難致矣臣又聞太宗射豕唐儉諫之
玄宗臂鷹韓休言之二帝莫不樂從今陛下以繃馬爲樂
愚臣思之有不宜者三故不避斧鉞言之竊以君臣同戲
不免分彘吾得臣愧彼負此喜一不宜躍馬揮杖縱橫馳
驚不顧上下之分爭先取勝失人臣禮二不宜輕萬乘之
尊圖一時之樂萬一有銜勒之失其如社稷太后何三不
宜儻陛下不以臣言爲迂少賜省覽天下之福群臣之願
也舊奏帝嘉歎良久未幾卒贈太子太保詔有司給葬

蕭朴字延寧國舅少父房之族父勞古以善屬文爲聖宗
詩友朴幼如老成人及長博學多智開泰初補牌印郎君
爲南院承旨權知轉運事尋改南面林牙帝問以政朴具
陳百姓疾苦國用豐耗帝悅曰吾得人矣擢左夷萬里特
蕭合卓爲樞密使朴知部署院事以酒廢事出爲興國軍
節度使俄召爲南面林牙太平三年守太子太傅明年拜
北府宰相遷北院樞密使時太平日久帝留心翰墨始畫
譜牒以別嫡庶由是爭訟紛起朴有吏才能知人主意敷
奏稱旨朝議多取決之封蘭陵郡王進王恒加中書令及
大延琳叛詔安撫東京以便宜從事興宗即位皇太后稱

制國事一委弟孝先方仁德皇后以馮家奴所誣被害朴
屢言其寃不報每念至此爲之嘔血重熙初改王韓拜東
京留守及遷太后于慶州朴徙王楚升南院樞密使四年
王魏薨年五十贈齊王子鐸刺國舅詳穩

耶律八哥字烏古鄰五院部人幼聰慧書一覽輒成誦統
和中以世業爲本部吏未幾陞聞撒拔尋轉樞密院侍御
會宋將曹彬米信侵燕八哥以爲從有功擢上京留守開
泰四年召爲北院樞密副使頃之留守東京七年上命東
平王蕭排押帥師伐高麗八哥爲都監至開京大掠而還
濟茶陀二河高麗追兵至諸將皆欲使敵渡兩河擊之獨

八哥以爲不可曰敵若渡兩河必殊死戰乃危道也不若
擊於兩河之間排押從之戰敗績明年還東京奏渤海承
奉官宜有以統領之上從其言置都知押班後以茶陀之
敗削使相降西北路都監卒

論曰張儉名符帝夢遂結王知服弊袍不易志敦薄俗功
著兩朝世稱賢相非過也邢抱朴甄別守令大愜人望兩
決滯獄民無寃濫馬得臣引盛唐之治以諫其君蕭朴痛
皇后之誣至於嘔血四人者皆以明經致位忠蓋若此宜
矣聖宗得人於斯爲盛

列傳第十卷

列傳第十一

遼史八十一

開府儀同三司柱國兼重軍中書丞相監修國史領經筵事都總裁臣脫脫奉

勅修

耶律室魯字乙辛隱六院部人魁岸美容儀聖宗同年生
帝愛之甫冠補祗候郎君未幾為宿直官及出師伐宋為
隊帥從南府宰相耶律奴瓜統軍使蕭撻覽略地趙魏有
功加檢校太師為北院大王攻拔通利軍宋和議成特進
明下平章事賜推誠竭節保義功臣以本部俸羊多闕部
人空乏請以羸老之羊及皮毛歲易南中絹彼此利之拜
北院樞密使封韓王自韓德讓知北院職多廢曠室魯拜



列傳第十卷

列傳第十一

遼史八十一

開府儀同三司柱國兼重軍中書丞相監修國史領經筵事都總裁臣脫脫奉

勅修

耶律室魯字乙辛隱六院部人魁岸美容儀聖宗同年生
帝愛之甫冠補祗候郎君未幾為宿直官及出師伐宋為
隊帥從南府宰相耶律奴瓜統軍使蕭撻覽略地趙魏有
功加檢校太師為北院大王攻拔通利軍宋和議成特進
明下平章事賜推誠竭節保義功臣以本部俸羊多闕部
人空乏請以羸老之羊及皮毛歲易南中絹彼此利之拜
北院樞密使封韓王自韓德讓知北院職多廢曠室魯拜



命之日朝野相慶從上獵松林至沙嶺卒年四十四贈守
司徒政事令二子十神奴歐里斯十神奴南院大王
歐里思字留隱少有大志未冠補祗候郎君開泰初為本
部司徒秩滿閑居徵為郎君班詳穩遷右皮室詳穩將本
部兵從重平王蕭排押伐高麗至奈陀二河戰不利歐里
斯獨全軍還帝嘉賞終西南面招討使

王繼忠不知何郡人仕宋為鄆州刺史殿前都虞候統和
二十一年宋遣繼忠屯定之望都以輕騎覘我軍遇南府
宰相耶律奴瓜等獲之太后知其賢授戶部使以康默記
族女女之繼忠亦自激昂事必盡力宋以繼忠先朝舊臣

每遣使必有附賜聖宗許受之二十二年宋使來聘遺繼
忠孤矢鞭策及求和劄子有曰自臨大位愛養黎元豈欲
窮兵淮思息戰每敕邊事嚴諭守臣至于北界人民不令
小有侵擾衆所具悉爾亦備知向以知雄州何承矩已布
此懇自後杳無所聞汝可密言如許通和即當別使往請
繼忠與宋使相見仍許講和以繼忠家無奴隸賜官戶
三十加左武衛上將軍攝中京留守五年為漢人行宮都
部署封琅邪郡王六年進楚王賜國姓上嘗燕飲議以蕭
合卓為北院樞密使繼忠曰合卓雖有刀筆才暗於大體
蕭敵烈才行兼備可任上不納竟用合卓及遣合卓伐高

麗繼忠爲行軍副部署攻興化鎮月餘不下師還上謂明
於知人拜樞密使太平三年致仕卒子懷玉仕至防禦使
蕭孝忠字撒板小字圖古斯志慷慨開泰中補祗候郎君
尚越國公主拜駙馬都尉累遷殿前都點檢太平中擢北
府宰相重熙七年爲東京留守時禁渤海人擊毬孝忠言
東京最爲重鎮無從禽之地若非毬馬何以習武且天子
以四海爲家何分彼此宜弛其禁從之十二年入朝封楚
王拜北院樞密使國制以契丹漢人分北南院樞密治之
孝忠奏曰一國二樞密風俗所以不同若併爲一天下幸
甚事未及行薨追封楚國王帝素服哭臨赦死囚數人爲

孝忠薦福葬日親臨賜宮戶守塚子阿速終南院樞密使
陳昭衮小字王九雲州人工譯鞬勇而善射統和中補祗
候郎君爲奚拽刺詳穩累遷取睦宮太保兼掌圍場事開
泰五年秋大獵帝射虎以馬馳太速矢不及發虎怒奮勢
將犯躡左右辟易昭衮捨馬捉虎兩耳騎之虎駭且逸上
命衛士追射昭衮大呼止之虎雖軼山昭衮終不墮地伺
便拔佩刀殺之輦至上前慰勞良久即日設燕悉以席上
金銀器賜之特加節鉞遷圍場都太師賜國姓命張儉呂
德懋賦以美之遷歸義軍節度使同知上京留守歷西南
面招討都監卒

蕭合卓字合魯隱容呂不部人始爲本部吏統和初以謹
恪補南院侍郎十八年北院樞密使韓德讓舉合卓爲中
丞以太后遺物使宋還遷北院樞密副使開泰三年爲左
夷離畢合卓久居近職明習典故善占對以是尤被寵渥
陞北院樞密使時議以爲無完行不可大用南院樞密使
王繼忠侍宴又譏其短帝頗不悅六年遣合卓伐高麗還
時求進者多附之然其服食僕馬不加于舊帝知其廉以
旌屬女妻其子詔許親友饋獻豪貴奔趨于門太平五年
有疾帝欲臨視合卓辭曰臣無狀猥蒙重任今形容毀瘁
恐陛下見而動心帝從之會北府宰相蕭朴問疾合卓執

其手曰吾死君必爲樞密使慎勿舉勝已者朴出而鄙之
是日卒子烏古終本部節度使

論曰統和諸臣名昭王室者多矣室魯拜樞密使朝野相
慶必有得民心者繼忠旣不能死國雖通南北之和有知
人之鑑奚足尚哉孝忠昭充皆有可稱者合卓臨終教蕭
朴毋舉勝已者任樞密其誤國之罪大矣


列傳第十二

遼史八十二

勅修

開府喬言柱國錄軍國重事書右丞相監修國史領經筵事都總裁院脫奉

耶律隆運本姓韓名德讓西南面招討使匡嗣之子也統和十九年賜名德昌二十二年賜姓耶律二十八年復賜名隆運重厚有智略明治體喜建功立事侍景宗以謹飭聞加東頭承奉官補樞密院通事轉上京皇城使遙授彰德軍節度使代其父匡嗣為上京留守權知京事甚有聲尋復代父守南京時人榮之宋兵取河東侵燕五院糾詳穩突底統軍蕭討古等敗歸宋兵圍城招脅甚急人懷二




列傳第十二

遼史八十二

勅修

開府喬言柱國錄軍國重事書右丞相監修國史領經筵事都總裁院脫奉

耶律隆運本姓韓名德讓西南面招討使匡嗣之子也統和十九年賜名德昌二十二年賜姓耶律二十八年復賜名隆運重厚有智略明治體喜建功立事侍景宗以謹飭聞加東頭承奉官補樞密院通事轉上京皇城使遙授彰德軍節度使代其父匡嗣為上京留守權知京事甚有聲尋復代父守南京時人榮之宋兵取河東侵燕五院糾詳穩突底統軍蕭討古等敗歸宋兵圍城招脅甚急人懷二



心隆運登城日夜守禦援軍至圍解及戰高梁河宋兵敗
走隆運邀擊又破之以功拜遼興軍節度使徵為南院樞
密使景宗疾大漸與耶律斜軫俱受顧命立梁王為帝皇
后為皇太后稱制隆運總宿衛事太后益寵任之統和元
年加開府儀同三司兼政事令四年宋遣曹彬米信將十
萬眾來侵隆運從太后出師敗之加守司空封楚國公師
還與北府宰相室昉共執國政上言西州數被兵加以歲
饑宜輕稅賦以來流民從之六年太后觀擊鞠胡里室突
隆運墜馬命立斬之詔率師伐宋圍沙堆敵乘夜來襲隆
運震軍以待敗走之封楚王九年復言燕人挾姦苟免賦

役貴族因為囊橐可遣北院宣徽使趙智戒諭從之十一
年丁母憂詔彊起之明年室昉致政以隆運代為北府宰
相仍領樞密使監修國史賜興化功臣十二年六月奏三
京諸鞠獄官吏多因請託曲加寬貸或妄行榜掠乞行禁
止上可其奏又表請任賢去邪太后喜曰進賢輔政真大
臣之職優加賜資服闋加守太保兼政事令會北院樞密
使耶律斜軫薨詔隆運兼之久之拜大丞相進王齊總二
樞府事以南京平州歲不登奏免百姓農器錢及請平諸
郡商賈價並從之二十二年從太后南征及河許宋成而
還徙王晉賜姓出宮籍隸橫帳季父房後乃改賜今名位

親王上賜田宅及陪葬地從伐高麗還得未疾帝與后臨
視醫藥薨年七十一贈尚書令謚文忠官給葬具建廟乾
陵側無子清寧三年以魏王貼不子耶魯為嗣天祚立以
皇子教盧幹繼之弟德威姪制心

德威性剛介善馳射保寧初歷上京皇城使儒州防禦使
改北院宣徽使乾亨初丁父喪彊起復職權西南招討使
統和初党項寇邊一戰却之賜劔許便宜行事領突呂不
迭刺二紮軍以討平稍古葛切真授招討使夏州李繼遷
叛宋內附德威請納之既得繼遷諸夷皆從璽書褒獎與
惕隱耶律善補敗宋將楊繼業加開府儀同三司政事門

下平章事未幾以山西城邑多陷奪兵柄李繼遷受賂潛
懷二心奉詔率兵往諭繼遷託以西征不出德威至靈州
俘掠而還年五十五卒贈兼侍中子零金終彰國軍節度
使二孫謝十滌魯謝十終惕隱

滌魯字遵寧幼養宮中授小將軍重熙初歷北院宣徽使
右林牙副點檢拜惕隱改西北路招討使封涿水郡王請
減軍籍三千二百八十人後以私取回鶻使者獺毛裘及
私取隄卜貢物事覺決大杖削爵免官俄起為北院宣徽
使十九年改烏古敵烈部都詳穩尋為東北路詳穩封混
同郡王清寧初徙王鄧權拜南府宰相以年老乞骸骨更

王漢大康中薨年八十滌魯神情秀徹聖宗子視之與宗
待以兄禮雖貴愈謙初為都點檢扈從獵黑嶺獲熊上因
樂飲謂滌魯曰汝有求乎對曰臣富貴踰分不敢他望惟
臣叔先朝優遇身歿之後不肖子坐罪籍沒四時之薦享
諸孫中得赦一人以主祭臣願畢矣詔免籍復其產子燕
五官至南京步軍都指揮使

制心小字可汗奴父德崇善醫視人形色輒決其病累官
至武定軍節度使制心善調鷹隼統和中為歸化州刺史
開泰中拜上京留守進漢人行宮都部署封添水郡王以
皇后外弟恩遇日隆樞密副使蕭合卓用事制心奏合卓

寡識度無行檢上默然每內宴歡洽輒避之皇后不悅曰
汝不樂耶制心對曰寵貴鮮能長保以是為憂耳太平中
歷中京留守惕隱南京留守徙王燕遷南院大王或勸制
心奉佛對曰吾不知佛法惟心無私則近之矣一日沐浴
更衣而卧家人聞絲竹之聲恠而入視則已逝矣年五十
三贈政事令追封陳王上京時酒禁方嚴有捕獲私醞
者一飲而盡笑而不詰卒之日部民若哀父母

耶律勃古哲字蒲奴隱六院夷裔董蒲古只之後勇悍善
治生保寧中為天德軍節度使歷南京侍衛馬步軍都指
揮使以討平党項羌阿理撒米僕里釐米遷南院大王聖

宗即位太后稱制會羣臣議車國事勃古哲上疏陳便宜
數事稱旨即日兼領山西路諸州事統和四年宋將曹彬
等侵燕勃古哲擊之甚力賜輸忠保節致主功臣總知山
西五州會有告勃古哲曲法虐民者按之有狀以大杖決
之八年爲南京統軍使卒子父里官至詳穩

蕭陽阿字稍隱端毅簡嚴識遠漢字通天文相法父卒自
五幕部親挽喪車至奚王嶺人稱其孝年十九爲本班郎
君歷鐵林鐵鵠大鷹三軍詳穩乾統元年由烏古敵烈部
屯田太保爲易州刺史幸臣劉彥良嘗以事至州怙寵恣
橫爲陽阿所沮彥良歸妾加毀此言尋遣人代陽阿州民千

餘詣闕請留即日授武安州觀察使歷烏古涅里順義
信等軍節度使權知東北路統軍使事聞耶律狼不鐸魯
斡等叛獨引麾下三十餘人追捕之身被二創生擒十餘
人送之行在坐不獲首惡免官未幾權南京留守卒
武白不知何郡人爲宋國子博士差知相州至通利軍爲
我軍所俘詔授上京國子博士改臨潢縣令遷廣德軍節
度副使先是有訟宰相劉愼行與子婦姚氏私者有司出
其罪聖宗詔白鞠之白正其事使新羅還權中京留守時
愼行諸子皆處權要以白斷百姓分籍事不直坐左遷未
幾遷尚書左丞知樞密事拜遼興軍節度使致仕卒

蕭常哥字胡獨董國舅之族祖約直同政事門下平章事
父實老累官節度使常哥魁偉寡言年三十餘始為祗候
郎君歷本族將軍松山州刺史壽隆二年以女為燕王妃
拜永興宮使及妃生子為南院宣徽使尋改漢人行宮都
部署統和初加太子太師為國舅詳穩二年改遼興軍節
度使召為北府宰相以柴冊禮加兼侍中天慶元年致仕
卒謚曰欽肅

耶律虎古字海鄰六院夷离董覲烈之孫少穎悟重然諾
保寧初補御琰郎君十年使宋還以宋取河東之意聞于
上燕主韓匡嗣曰何以知之虎石曰諸僭號之國宋皆併

收惟河東未下今宋講武習戰意必在漢圖嗣力沮乃止
明年宋果伐漢帝以虎古能料事器之乃曰吾與匡嗣慮
不及此授涿州刺史統和初皇太后稱制召赴京師與韓
德讓以事相忤德讓怒取護衛所執戎伏擊其腦卒子磨
魯古

磨魯古字遙隱有智識善射統和初拜南面林牙四年宋
侵燕太后親征磨魯古為前鋒手中流矢拔而復進太后
既至磨魯古以劄不能戰與北府宰相蕭繼先巡邏境上
累遷北院大王七年伐宋為先鋒與耶律奴瓜破其將李
忠吉于定州以疾卒于軍

論曰德讓在統和間世兼將相其克敵制勝進賢輔國功業茂矣至賜姓名王齊晉抑有寵於太后而致然歟宗族如德威平党項滌魯完宗祀制心不苟合家聲益振豈無所自哉若勃古之忠陽阿之孝武白之直亦彬彬乎一代之良臣矣

列傳第十二

列傳第十三

遼史八十三

開府儀同三司柱國錄軍國事平章事兼樞密使領經筵事都總管臣脫脫奉勅修

耶律休哥字遜寧祖釋魯隋國王父綰思南院夷离董休哥少有公輔器初烏古室韋二部叛休哥從北府宰相蕭幹討之應曆末為惕隱乾亨元年宋侵燕北院大王奚底統軍使蕭討古等敗績南京被圍帝命休哥代奚底將五院軍往救遇大敵于高梁河與耶律斜軫分左右翼擊敗之追殺三十餘里斬首萬餘級休哥被三創明日宋主遁去休哥以創不能騎輕車追至涿州不及而還是年冬上

論曰德讓在統和間世兼將相其克敵制勝進賢輔國功業茂矣至賜姓名王齊晉抑有寵於太后而致然歟宗族如德威平党項滌魯完宗祀制心不苟合家聲益振豈無所自哉若勃古之忠陽阿之孝武白之直亦彬彬乎一代之良臣矣

列傳第十二

列傳第十三

遼史八十三

開府儀同三司柱國錄軍國事平章事兼樞密使領經筵事都總管臣脫脫奉勅修

耶律休哥字遜寧祖釋魯隋國王父綰思南院夷离董休哥少有公輔器初烏古室韋二部叛休哥從北府宰相蕭幹討之應曆末為惕隱乾亨元年宋侵燕北院大王奚底統軍使蕭討古等敗績南京被圍帝命休哥代奚底將五院軍往救遇大敵于高梁河與耶律斜軫分左右翼擊敗之追殺三十餘里斬首萬餘級休哥被三創明日宋主遁去休哥以創不能騎輕車追至涿州不及而還是年冬上

命韓匡嗣耶律沙伐宋以報圍城之役休哥率本部兵從
匡嗣等戰于蒲城翌日將復戰宋人請降匡嗣信之休哥
曰彼衆整而銳必不肯屈乃誘我耳宜嚴兵以待匡嗣不
聽休哥引兵憑高而視須臾南兵大至鼓譟疾馳匡嗣倉
卒不知所爲士卒棄旗鼓而走遂敗績休哥整兵進擊敵
乃却詔總南面戍兵爲北院大三車駕親征圍瓦橋關宋
兵來救守將張師突圍出帝親督戰休哥斬師餘衆退走
入城宋陣于水南將戰帝以休哥馬介獨黃慮爲敵所識
乃賜玄甲白馬易之休哥率精騎渡水擊敗之追至莫州
橫屍滿道靴矢俱罄生獲數將以獻帝悅賜御馬金盃勞

之曰爾勇過于名若人人如卿何憂不克師還拜于越聖
宗即位太后稱制令休哥總南面軍務以便宜從事休哥
均戍兵立更休法勸農桑修武備邊境大治統和四年宋
復來侵其將范密楊繼業出雲州曹彬米信出雄易取歧
溝涿州陷固安置屯時北南院奚部兵未至休哥力寡不
敢出戰夜以輕騎出兩軍間殺其單弱以脅餘衆晝則以
精銳張其勢使彼勞於防禦以疲其力又設伏林莽絕其
糧道曹彬等以糧運不繼退保白溝月餘復至休哥以輕
兵薄之伺彼尋食擊其離伍單出者且戰且却由是南軍
自救不暇結方陣斲地兩邊而行軍渴之井澆淖而飲凡

四日始達于涿聞太后軍至彬等冒雨而遁太后益以銳卒追及之彼力窮環糧車自衛休哥圍之至夜彬信以數騎亡去餘衆悉潰迨至易州東聞宋師尚有數萬瀕沙河而鬩促兵往擊之宋師望塵奔竄墮岸相蹂死者過半沙河爲之不流太后旋旆休哥收宋屍爲京觀封宋國王又上言可乘宋弱略地至河爲界書奏不納及太后南征休哥爲先鋒敗宋兵於望都時宋將劉廷讓以數萬騎並海而出約與李敬源合兵聲言取燕休哥聞之先以兵扼其要地會太后軍至接戰殺敬源廷讓走瀛州七年宋遺劉廷讓等乘暑潦來攻易州諸將憚之獨休哥率銳卒逆擊

于沙河之北殺傷數萬獲輜重不可計獻于朝太后嘉其功詔免拜不名自是宋不敢北向時宋人欲止兒啼乃曰于越至矣休哥以燕民疲弊省賦役恤孤寡戒戍兵無犯宋境雖馬牛逸于北者悉還之遠近向化邊鄙以安十六年薨是夕雨水冰聖宗詔立祠南京休哥智略宏遠料敵如神每戰勝讓功諸將故士卒樂爲之用身更百戰未嘗殺一無辜二子高八官至節度使高十終于越孫馬哥馬哥字訛特懶興宗時以散職入見上問卿奉佛乎對曰臣每自誦太祖太宗及先臣遺訓未暇奉佛帝悅清寧中遷唐古部節度使咸雍中累遷匡義軍節度使大康初致

任卒

耶律斜軫字韓隱于越曷魯之孫性明敏不事生產保寧元年樞密使蕭思溫薦斜軫有經國才上曰朕知之第佚蕩豈可羈屈對曰外雖佚蕩中未可量乃召問以時政占對剴切帝器重之妻以皇后之姪命節制西南面諸軍仍援河東改南院大王乾亨初宋再攻河東從耶律沙至白馬嶺遇敵沙等戰不利斜軫赴之令麾下萬矢齊發敵氣撓而退是年秋宋下河東乘勝襲燕北院大王耶律奚底與蕭討古逆戰敗績退屯清河北斜軫取奚底等青憾軍于得勝口以誘敵敵果爭赴斜軫出其後奮擊敗之及高

梁之戰與耶律休哥分左右翼夾擊大敗宋軍和初皇太后稱制益見委任為北院樞密使會宋將曹彬米信出雄易楊繼業出代州太后親帥師救燕以斜軫為山西路兵馬都統繼業陷山西諸郡各以兵守自屯代州斜軫至定安遇賀令圖軍擊破之追至五臺斬首數萬級明日至蔚州敵不敢出斜軫書帛射城上諭以招慰意陰聞宋軍來救令都監耶律題子夜伏兵險阨俟敵至而發城守者見救至突出斜軫擊其背二軍俱潰追至飛狐斬首二萬餘級遂取蔚州賀令圖潘美復以兵來斜軫逆于飛狐擊敗之宋軍在渾源應州者皆棄城走斜軫聞繼業出兵令

肅捷凜伏兵于路明旦繼業兵至斜軫擁衆為戰勢繼業
麾幟而前斜軫佯退伏兵發斜軫進攻繼業敗走至狼牙
村衆軍皆潰繼業為流矢所中被擒斜軫貴曰汝與我國
角勝三十餘年今日何面目相見繼業但稱死罪而已初
繼業在宋以驍勇聞人號揚無敵首建梗邊之策至狼牙
村心惡之欲避不可得既擒三日死斜軫歸闕以功加守
太保從太后南伐卒于軍太后親為哀臨仍給葬具庶子
狗兒官至小將軍

耶律奚底孟父楚國王之後便弓馬勇於攻戰景宗時多
任以軍事統和四年為右皮室詳穩時宋將楊繼業陷岢
嵐西郡縣奚底從樞密使斜軫討之凡戰必以身先矢無盡
發繼業敗于朔州之南匿深林中奚底望袍影而射繼業
墮馬先是軍令須生擒繼業奚底以故不能為功後太后
南伐屢有戰績以病卒

耶律學古字乙辛隱于越洼之庶孫穎悟好學工譯鞬及
詩保寧中補御盜郎君乾亨元年宋既下河東乘勝侵燕
學古受詔往援始至京宋敗耶律奚底蕭討古等勢益張
圍城三周穴地而進城中民懷二心學古以討安反側隨
宜備禦晝夜不少懈適有敵三百餘人夜登城學古戰却
之會援軍至圍遂解學古開門列陣四面鳴鼓居民大呼

聲震天地旋有高梁之捷以功遷授保靜軍節度使為南
京馬步軍都指揮使二年伐宋乞將漢軍從之改彰國軍
節度使時南境未靜民思休息學古禁寇掠以安之會宋
將潘美率兵分道來侵學古以軍少虛張旗幟雜丁黃為
疑兵是夜適獨虎峪舉烽火遣人偵視見敵俘掠村野擊
之悉獲所掠物擒其將領自是學古與潘美各守邊約無
相侵軼民獲安業以功為惕隱卒弟烏不呂

烏不呂字留隱嚴重有膂力善屬文統和中伐宋屢任以
軍事嘗與文直不相能因曰爾奴才何所知文直訟于北
院樞密使韓德讓德讓怒問曰爾安得此奴耶烏不呂

曰二父異籍時亦易得德讓笑而釋之後從蕭恒德伐蒲
盧毛朶部以功為東路統軍都監及德讓為大丞相薦其
林可任統軍使太后曰烏不呂嘗不遜于卿何善而薦德
讓奏曰臣忝相位於臣猶不屈況於其餘以此知可用若
任使之必能鎮撫諸蕃太后從之加金紫崇祿大夫檢校
太尉而弟國留以罪亡烏不呂及其母俱下吏恐禍及母
陰使人召國留給曰太后知事之誣汝第來勿畏國留至
送有司坐誅其後退歸田里以疾卒

論曰宋棄下太原之銳以師圍燕繼遣曹彬楊繼業等分
道來伐是兩役也遼亦岌岌乎殆哉休哥奮擊于高梁敵